

Headline : Salcon ceburi pembuatan sarung tangan
News Source : Berita Harian/Bisnes/ pg 32
Date : 13 May 2021

Salcon ceburi pembuatan sarung tangan

Salcon Bhd berharap dapat menyelesaikan langkah mempelbagaikan perniagaan dengan men-ceburi segmen pembuatan dan penjualan sarung tangan getah melalui persetujuan pemegang sahamnya dalam Mesyuarat Agung Luar Biasa (EGM) akan datang.

Firma kejuruteraan air dan sisa kumbahan itu juga men-nyasarkan cabang perniagaan barunya itu dalam pembuatan sa-rung tangan getah akan menjadi penyumbang utama kepada pen-dapatan kumpulan dalam temp-oh beberapa tahun akan datang.

Dalam satu nota kepada Bur-sa Malaysia, Salcon berkata, ca-dangan itu diambil selepas Sal-con memperoleh baki 10 peratus kepentingan dalam Nusantara Jasakita Sdn Bhd (NJSB) pada 10 Mei lalu, menjadikan NJSB anak syarikat milik penuhnya.

Salcon berkata pada 12 No- vember 2020, NJSB membuat per- janjian penjualan saham (SSA) dengan Ganesan Subramaniam bagi memperoleh 1.02 juta saham biasa dalam JR Engineering dan Medical Technologies (M) Sdn Bhd (JREMT) pada pertimbangan tunai sebanyak RM28.56 juta.